

Headline	Bekas wartawan masuk HKL sejak Selasa		
MediaTitle	Berita Harian		
Date	17 Feb 2014	Color	Full Color
Section	Nasional	Circulation	138,805
Page No	16	Readership	1,048,000
Language	Malay	ArticleSize	138 cm <sup>2</sup>
Journalist	N/A	AdValue	RM 4,654
Frequency	Daily	PR Value	RM 13,962



## Bekas wartawan masuk HKL sejak Selasa

**Kuala Lumpur:** Pemenang Anugerah Kewartawanan Kajai 2001, Karim Sulaiman, 53, dimasukkan ke Hospital Kuala Lumpur (HKL) sejak Selasa lalu selepas demam panas dan sesak nafas.

Beliau yang menghidap sejenis penyakit kulit dikenali Scleromyxedema terpaksa meninggalkan kerjayanya sebagai wartawan di *BH* kerana penyakit yang membataskan pergerakan dan pertuturannya.

Isterinya, Siti Hawa Mohd Ariff, 52, berkata sejak 2006, Karim mengambil cuti sakit kerana tidak mampu bergerak tetapi semangat dan minat menulis masih kuat.

Katanya, beliau mula menyedari perubahan suaminya sejak November 2000 yang pada mulanya kulit di bahagian hidung menjadi merah dan sangat tegang sebelum melarat ke anggota badan lain.

Menurutnya, penyakit itu menjadi punca kulitnya tebal dan keras serta mengalami ketegangan yang turut mendatangkan kesan pada pergerakan sendi.

Karim dianugerahkan kewartawanan Kajai menerusi laporan 'Masalah kepincangan pelaburan Tabung Haji' pada 2001, mula berkecimpung dalam bidang kewartawanan kira-kira 27 tahun lalu.



Karim yang menghidap **penyakit kulit Scleromyxedema** dirawat di Hospital Kuala Lumpur. [FOTO AZHAR RAMLI/BH]